



Tillie Martinussen
Suleqatigiissitsisut sinnerlugit Inatsisartuni ilaasortaq

Nakorsaat cannabis olie pillugu § 37-mut apeqquteqaat 273/2019-mut akissuteqaat

Asasara Tillie Martinussen

Inatsisartut Suleriaasianni § 37 imm. 1 naapertorlugu peqqinnissaqarfimmut tunngasumik apeqquteqaammik Naalakkersuisunut nassiussivutit. Apeqquteqaatit akissutinni takusinnaavatit. Apeqquteqaatit allaqqitaapput ataasiakkaarlugillu ataani akissuteqarfigineqarlutik:

15-08-2019
Sags nr. 2019 - 17354
Akt nr. 11304440

Postboks 1160
Tlf: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

1. Naalakkersuisut pilersaaruteqarnerlutik Cannabis-oliamut tunngasut inatsisit Danmarkimi atuuttut Danmarkimilu akuerineqarnikuusut nunatsinnut atortussanngortinniarlugit?

Akissut: Danmarkimi inatsit peqqinnissaqarfiup iluani akisussaaffiit tiguneraniit atuutilersinneqartoq, Kalaallit Nunaanni atuutilertussatut aalajangiunneqarsinnaanngilaq.

Kalaallit Nunaat peqqinnissaqarfik 1992-mi akisussaaffigilerpaa. Namminersornerunerup nalaani Kalaallit Nunaat peqqinnissaqarfimmut tunngassuteqartut maleruagassanik aalajangiisuutinneqarnissaminut oqartussaasutut piginnaatinneqalerpoq. Tamanna Kalaallit Nunaanni peqqinnissaqarfimmut inatsimmi § 4, imm. 4-mi erserpoq¹: "Peqqissutsimut ministeriup susassaqarfiisa iluani inatsisiliorneq, inatsip atuutilerneqarnerani atuuttoq Kalaallit Nunaanni atuutiinnassaaq, Kalaallit Nunaata namminersornerullutik oqartussanit maleruagassatigut atuutikkunnaarnissaata tungaanut." Kalaallit Nunaat inatsisiliornissamut piginnaatitsissut tunngaviusumik tamakkiisoq taamanikkut tigusimannngilaa, taamaattumik danskit inatsisaat atuutilersinneqarsinnaasimallutik.

Namminersornermut inatsit atuutilermat peqqinnissaqarfiup iluani inatsit atuutilersussatut aalajangiiffigineqarsinnaasut periarfissatut atorunnaarsinneqarpoq². § 1-mi aamma § 23, imm. 4.,-mi ersersinneqarpoq, Namminersorlutik Oqartussat susassaqarfinnut tigusimasaminut inatsisiliornissamut aamma atortitsinerlutik pissaaneqartuusoq.

Kalaallit Nunaat sammisaq pillugu inatsisiliornissamut piginnaatitsineq tigunikuummagu, Namminersorlutik Oqartussat aannngajaarniutit pillugit danskit peqqussutaanik

¹ Lov nr. 369 af 6. juni 1991 om sundhedsvæsenet i Grønland

² Lov nr. 473 af 12. juni 2009 om Grønlands Selvstyre

imaluunniit inatsisaanik allannguissamut aalajangiisuusinnaangillat. Peqqussut atuutilissappat, Inatsisartut, Inatsisartut inatsisaannik akuerseqqaartariaqarput taamaasilluni sammisat ilaannut sukumiinerusumik maleruagassiissutinik tunngaviliinissamut piginnaatitsilersinnaaniassammat.

2. Sunamita pissutaava immikkoortumut tunngasut inatsisit nunatsinnut suli atortussanngortinneqarsimannginnerannut kiisalu tunisassiat akuerineqarnikut Danmarkimi nakorsamit allagartalertilluni pineqarsinnaasut?


Svar: Akissuteqaat apeqqummut 1-mut innersuussutigineqassaaq.

Nakorsaatinik akuersissuteqartarnermut tunngatillugu, ilaatigut nakorsaatit cannabis pillugu, piginnaatitsissut Kalaallit Nunaanni Nakorsaatit pillugit ataatsimiititaliamiippoq. Tamanna Nakorsaatit pillugit Inatsisartut peqqussutaata allanngortinnissaanut Inatsisartut peqqussutaat nr. 6, 1. juni 2006-imeersoq § 7, imm. 1 malippaa.

3. Suliamut tunngasunik allanik soqutiginaatilinnik Naalakkersuisut paasissutissiisinnaanerlutik?

Svar: § 37 apeqquteqaat 257/2019-mut akissuteqaat innersuussutigineqarpoq.

Inussiarnersumik inuulluaqqusillunga
Med venlig hilsen



Martha Abelsen